



Kela[®]

Buohcan ja doaibma- vättolašvuodadoarjagat

Oanehaččat ja čielgasit | 2024

Sairastaminen ja vammaistuet | Pohjoissaame

Sisdoallu

Jos buohccát	3
Dálkkasbuhtadusat	6
Buhtadusat priváhta buohccedivššus ja bátne divššus	10
Buhtadusat mátkkiin	12
Buohcuvuođabeaiveruhta	14
Bargonávccahisvuoda aláhat	17
Bargodearvvasvuodadikšun	18
Jos mánná buohccá	20
Doaibmaváttolašvuodadoarjagat	22
Ohcan ja máksin	24
Ná Kela bálvala	27

Jos buohccát

Jos buohccát dahje jos dus gávnnahuvvo váddu, sáhtát oažžut Kelas ruđalaš doarjaga.

Jos buohcuvuohta dahje váddu váikkuha beaivválaš doaimmaide dahje bargonávccaide, sáhtát oažžut Kelas veajuiduhttima.

Veajuiduhttima birra mitaluvvo iežas brošyras.

Dán gihppagis mitaluvvo, mo Kela doarju buohcuvuođas šaddan goasttádusaid ja veahkeha du ruđalaččat buohcama áigge. Lassin gihppagis mitaluvvo bargodearvvasvuodadivššus ja doaibmaváttolašvuodadoarjagiin. Gihppaga loahpas gávnnat dieđu doarjagiid ohcamis.

Gihpa mitala jagi 2024 dilis.



Lassidiehtu nehta ja telefonna bokte

Kela doarjagiin mitaluvvo davvisámegillii čujuhusas **www.kela.fi/davvisamegiella**

Buohcamii gullelaš doarjagiin mitaluvvo dárkileappot Kela suomagielat siidduin **www.kela.fi/sairastaminen**



Jos dus leat jearaldagat, sáhtát ringet bálvalannummirii **020 692 204**

Maid goluid Kela buhte?

Kela buhte earret eará oasi čuovvovaš goluin:

- reseaptadálkasat, mat gullet buhtejuvvon dálkasiidda
- priváhta doaktára vuostáiváldingolut
- priváhta bálnedoaktára mávssut
- mátkkit almmolaš buhccedikšumii, dutkamuššii dahje veajuiduhttimii.

Lassin Kela buhte ánsomanaheami, mii šaddá du iežat buohcuvuođas dahje buohccán máná divššus.

Kela ii buhte divššu almmolaš dearvvasvuođadivššus nappo divššu dearvvasvuođaguovddážiis dahje buohcceviesus.

Jos leat barggus, sáhtát fitnat bargodearvvašvuođafuolahusas, man bargoaddi lágida.

Lassin dáhkádusfitnodagat vuvdet priváhta buohcuvuođadáhkádusaid buohccáma várás.

Kela-koarta

Jos dus lea Kela-koarta, oaččut dainna njuolggá buhtadusa dikšungoluin mánggain priváhta doavtterrašuvnnain. Ná don it dárbbáš ohcat buhtadusa sierra.

Kela addá Kela-koartta buohkaide, geat sáhttet oažžut dálkkasbuhtadusaid dahje eará Kela doarjagiid, mat láktasit buohcamii.

Koarta lea nuvttá, ja dat sáddejuvvo poastta mielde ruoktot.

Eurohpalaš buhccedikšunkoarta

Jos mátkkoštát eará Eurohpá riikkain, gánneha váldit fárrui eurohpalaš buhccedikšunkoartta.

Koarta lea nuvttá.

Dat sáddejuvvo poastta miede ruoktot.

Jos buohccát fáhkkestaga, čájjet koartta ja identitehtaduodaštusa olgoriikka dikšunbáikkis. Koarta dohkke EU-riikkain, Edg-riikkain, Sveiccas, Stuorra-Britannias ja Davvi-Irlánddas. Ovdal mátkki gánneha čielggadit, mo guđege riikkas galgá doaibmat, jos buohccá.

Lassidieđut nehtas (suomagillii):

www.kela.fi/sairaanulkomailla

Jos dus ii leat fárus eurohpalaš buhccedikšunkoarta, sáhtát ohcat buhtadusaid mañjeleappos Kelas.

Lassin dáhkádusfitnodagat vuvdet mátkedáhkádusaid, mat buhtejit dikšungoluid.

Koarttaid diŋgon

Sáhtát diŋgot Kela-koartta ja eurohpalaš buhccedikšunkoartta nehta bokte

www.kela.fi/neahtas

dahje riŋget bálvalannummirii

020 692 204.

Dálkkasbuhtadusat

Kela sáhttá máksit buhtadusa reseaptadálkasiin, maid doavttir dahje buohccedivššár lea mearridan buohcuvuođat dikšui.

Čujuhanhaddi ja dálkasa molsun hálbibui

Dihto dálkasiidda lea mearriduvvon čujuhanhaddi. Dálkasa vuovdinhaddi sáhttá leat stuorát go čujuhanhaddi. Oaččut buhtadusa goittotge eanemustá čujuhanhaddi vuođul.

Apotehka sáhttá molsut dálkasa sullasaš muhto hálbbit dálkasi, jos háliidat. Apotehka ii goittotge oaččo molsut dálkasa, jos dálkasa mearrideaddji lea gieldán molsumis dan.

Jos dálkasis ii leat čujuhanhaddi, de oaččut buhtadusa vuovdinhaddi vuođul.

Ovdamearka čujuhanhattis

Doaktára mearridan dálkkas máksá 30 euro.
Dálkasa čujuhanhaddi lea 10 euro.
Kela máksá buhtadusa 40 proseantta čujuhanhattis nappo 10 euros.
Buhtadus lea dalle 4 euro.
Mávssat ieš loahppaoasi nappo 26 euro.

Apotehkas gávdno goittotge seammalágán muhto hálbbit dálkkas.
Dat máksá dušše 10 euro.
Jos molssut dálkasat dakkár dálkasi, oaččut 4 euro buhtadusa ja mávssat ieš dálkasis dušše 6 euro.



Man ollu dálkása hattis buhttejuvvo?

0€

Álgoiežasvástu

Mávssát dálkasiid ollásit ieš 50 euro rádjai. Dát gohčoduvvo álgoiežasvástun. Álgoiežasvástu ii guoskka mánáid ja nuoraid.

Buhtadus dálkasis

Don mávssát dálkasis



0 %

100 %

50€

Dálkkasbuhtadus

Go álgoiežasvástu lea dievvan, oaččut dálkasiin buhtadusa. Apoteaika geahpeda buhtadusa njuolga dálkasa hattis. Buhtadusa mearri lea gitta dálkasis ja buohcuvuođas. Loahppaoasi hattis mávssát ieš.

VUOĐDOBUHTADUS

Buhtadus dálkasis

Don mávssát dálkasis



40 %

60 %

VUOLIT

SIERRABUHTADUS

Buhtadus dálkasis

Don mávssát dálkasis



65 %

35 %

Bajit sierrabuhtadus lea 100 %. Mávssát dálkasis goittotge iežasvásttu 4,50 €.

BAJIT

SIERRABUHTADUS

Buhtadus dálkasis

Don mávssát dálkasis



100 %

4,50 €

Dálkkasgáhttu

627€

Lassebuhtadus

Jos oassi, man ieš mávssát, lea badjel 627 euro jagis dahjege dálkkasgáhttu, oaččut lassebuhtadusa. Lassebuhtadus lea 100 %. Mávssát dálkasis goittotge iežasvásttu 2,50 €.

Buhtadus dálkasis

Don mávssát dálkasis



100 %

2,50 €

Dálkasa oastin olgoriikkain

Jos áiggot oastit dálkasa nuppi EU-riikkas dahje Edg-riikkas, sáhtát bivdit Suomas doaktáris sierra reseapta, mainna sáhtát oastit dálkasa olgoriikkain.

Jos oasttát dálkasa Estteeatnamis, Kroatias, Polskkas, Portugalas dahje Espánjjas, sáhtát geavahit maiddái suomelaš elektrovnnalaš reseapta.

Sáhtát ohcat buhtadusa olgoriikkain ostojuvvon dálkasis mañálgiehtii Kelas.

Buhtadusa eaktun lea, ahte dálkkas gullá buhttejuvvon dálkkasiidda Suomas.

Lassidiehtu nehtas

Kela ii buhte buot dálkasiid.

Buhttejuvvon dálkasiid birra gávdno diehtu nehtas čujuhusas (suomagillii)

www.kela.fi/laakehaku

Sáhtát čuovvut dutnje jagi áigge čoggon dálkkasgoluid nehta bokte.

www.kela.fi/neahtas

Buhtadusat priváhta buohccedivššus ja bátnedivššus

Buhtadusat priváhta buohccedivššus

Kela máksá buhtadusa,
go finat buohcuvuoda geažil priváhta doaktára vuostáiváldimis.
Kela máksá buhtadusa maiddá dutkamušain ja divššuin,
maid lea mearridan psykiátriija spesiáladoavttir,
njálbme- ja gáibekirurgiija spesiáladoavttir dahje bátnedoavttir.
Oaččut buhtadusa maiddá psykologa dahkan dutkamušain.

Kela ii mávsse buhtadusa, jos ozat priváhta doaktáris
doaktárduodaštusa ovdamearkan vuodjinkoartta,
ealáhaga dahje oahppolágádussii ohcama várás.

Buhtadusat priváhta bátnedivššus

Kela máksá buhtadusa maiddá njálmmi ja bániid divššus
priváhta bátnedoaktáris.

Priváhta bátnedoaktára njálmmi ja bániid dutkamušas
sáhtát oažžut buhtadusa juohke nuppi kaleanddarjagi.
Jos du bátnedoavttir ávžžuha dárkkisteami oktii jagis,
sáhtát oažžut buhtadusa oktii kaleanddarjagis.

Kela máksá buhtadusa maiddá
röntgen- ja laboratorijadutkamušain,
maid priváhta bátnedoavttir mearrida.

Kela máksá buhtadusa maiddá njálbmehygienistta divššus,
jos priváhta bátnedoavttir lea mearridan dan.

Kela ii dábálaččat buhtte bátneprotesaide gullevaž goluid.

Sáhtát oažžut buhtadusa dalán

Oaččut buhtadusa dávjá juo vuostáiváldimis,
go čájehat iežat Kela-koartta.
Sáhtát ohcat buhtadusa Kelas maiddá mañálgihtii.

Kela máksá buhtadusa dutkamušain ja divššus
eanemustá Kela mearridan távssa nappo
eanemusbuhtadusa vuodul.
Kela ii buhtte doaimmahatgoluid.

Dikšui olgoriikkaide

Jos manat dikšui nuppi EU- dahje Eta-riikii, Sveicii,
Stuorra-Británia dahje Davvi-Irlándii,
sáhtát bivdit divššu várás Kelas ovdalobi
dahje mannat dikšui iešheanalaččat ovdalobi haga.
Jos mávssát divššu ieš, sáhtát ohcat Kelas buhtadusa goluin.

Lassedieđut dearvvašvuodabálvalusaid geavaheamis olgoriikkain
(suomagillii):

www.kela.fi/yhteyspiste

Mii doaktárfitnamis buhttejuvvo?

Kela buhtte priváhta doaktára mávssus 30 euro.
Psykiáhter mávssus Kela buhtte 30–40 euro.
Submi lea gitta vuostáiváldináiaggi guhkkodagas.

Jos finat priváhta spesiáladoaktáris
ja fitnan máksá 100 euro,
Kela buhtte 30 euro.
Mávssát ieš loahppa 70 euro.

Jos finat priváhta psykiáhtera luhtte
ja 20 minuhta fitnan máksá 150 euro,
Kela buhtte 33 euroa.
Mávssát ieš loahppa 117 euro.

Buhtadusat mátkkiin

Kela buhte mátkegoasttádusaid almmolaš dahje priváhta dearvvasvuodadikšui, jos jođát dikšui buohcuvuoda, áhpehisvuoda dahje riegádahttima dihte. Kela buhte mátkki priváhta dearvvasvuodadikšui, jos divššus oažžu Kela-buhtadusa dahje jos dus lea buresveadjinguovllu máksinčatnašupmi dahje bálvalansedel. Mátkkit buhttejuvvojit dábálaččat lagamuš dikšunbáikái ja hálbimus johtinvuogi mielde.

Kela buhte mátkkiid veajuiduhttimii, jos veajuiduhttin vuodđuduvvá Kela dahje almmolaš dearvvasvuodadivššu veajuiduhttinmearrádussii.

Jos dus galgá leat mieđušteaddji dahje bearašlahttu mielde, sáhtát ohcat buhtadusa maiddái sin mátkegoluin.

Kela ii buhte sierra dálkasiid viežžanmátkki apotehkii.

Táksemátkkit

Jos gárttat geavahit táksse dearvvasvuodadili dahje heajos johtolatoktavuodaid dihte, sáhtát oažžut mátkkiin buhtadusa. Jos geavahat táksse dearvvasvuodadili dihte, dus galgá leat dikšunlágádusa addán duodaštus, man namma lea Duodaštus mátkebuhtadusa várás, Todistus matkakorvausta varten (SV 67).

Juohke eanangottis leat 2 diŋgonnummira. Sáhtát ieš válljet, goappá nummiris diŋgot mátkki. Go diŋgot táksse diŋgonnummiris, oaččut mátkebuhtadusa dalán tákses.

Jos diŋgot táksse gos nu eará sajis, Kela ii buhte mátkki.

Tákssiid diŋgonnummirat (suomagillii):

www.kela.fi/nain-tilaat-taksin

Čuovo iežat mátkegoasttádusaid nehta bokte:

www.kela.fi/neahtas

Mátkkiid iežasvástu

Mátkkiid iežasvástu lea 25 euro mátkkis, mii manná ovtta guvlui. Jos mátki máksá badjel 25 euro, Kela buhte dutnje supmi, mii manná badjel 25 euro.

Jahkeiežasvástu dahje mátkegáhttu lea 300 euro jagis. Jos mávssát mátkkiin kaleanddarjagis ieš badjel dan, Kela buhte loahppajagi mátkkiid dievasmearálažžan.

Jos mátkkoštat táksesáhtuin, it dárbbáš ohcat buhtadusa vuollái 25 euro mátkkiin. Kela rehkenastá daid oppa jagi iežasvástui, jos leat diŋgon táksse iežat eanangotti diŋgonnummiris. Jos mátkkoštat eará go tákssiin, oza buhtadusa maiddái vuollái 25 euro mátkkiin. Dalle Kela rehkenastá daid jahkeiežasvástui.

Buhtadus idjadeamis

Jos gárttat ovdamearkan heajos johtolatoktavuodaid dihte idjadit dikšun- dahje veajuiduhttinbáikegottis, sáhtát oažžut idjadanruđa. Dat lea eanemustá 20,18 euro jándoris.

Buohcuvuodabeaiveruhta

Kela máksá buohcuvuoda áiggis buohcuvuodabeaiveruđa.
Sáhtát oažžut buohcuvuodabeaiveruđa,
jos leat 16–67-jahkásaš
itge buohcuvuoda dihtii nákke bargui.

Buohcuvuodabeaiveruhta máksojuvvo dábálaččat dan maŋŋá,
go leat leamašan buohccin 10 beaivvi.
Jos leat fitnodatdoalli,
sáhtát oažžut buohcuvuodabeaiveruđa juo árabut.

Maiddái studeanta, gii oažžu oahpporuđa, dahje
bargguheapme sáhttá oažžut buohcuvuodabeaiveruđa.

Jos oaččut buohcuvuodafriija áigge bálkká,
Kela máksá buhtadusa du bargoaddái.

Oza buohcuvuodabeaiveruđa
2 mánu siste das, go bargonávccahisvuohta álgá.

Man olu oaččut buohcuvuodabeaiveruđa?

Buohcuvuodabeaiveruđa mearri rehkenastojuvvo
jahkeboáduid vuodul.
Jahkeboáduin oaivvildit boáduid 12 mánotbaji áigodagas.

Jos doavttir gávnna du bargonávccaheapmen
ovdamearkan miessemánu 2024 rájes,
Kela rehkenastá buohcuvuodabeaiveruđa meari
daid boáduid vuodul, maid leat ožžon 1.4.2023–31.3.2024.

Beaiveruhta lea álo unnit go jahkeboádu.
Sáhtát ieš árvvoštallat Kela neahttasiidduin rehkenastiin,
man olu oaččut buohcuvuodabeaiveruđa (suomagillii).

www.kela.fi/laskurit

Man guhká buohcuvuodabeaiveruhta máksojuvvo?

Buohcuvuodabeaiveruhta máksojuvvo
eanemustá sulaid jagi áigge.
Kela čielggada buohcuvuodabeaiverudabaji áigge,
livččiigo veajuiduhttimis ávki buohcuvuodat dikšumis.

Jos don leat bargi, Kela bivdá du sáddet
bargodearvasvuodadoaktára cealkámuša
du bargonávccain ja vejolašvuodain joatkit dálá barggus.
Kela dárbbasa cealkámuša maŋimustá dalle,
go leat ožžon buohcuvuodabeaiveruđa 90 árgabeaivve.

Bargodearvasvuodadikšun sáhttá čielggadit du dili
maiddái maŋjeleappos.
Doaimmat Kelai maiddái dasa gullevaš cealkámušaid.

Lassebeaivvit buohcuvuodabeaiveruhtii

Muhtin dâhpâhusain Kela sáhttá miedihit
buohcuvuodabeaiveruhtabadjái lassebeivviid.

Dábálaččat buohcuvuodabeaiveruđa sáhttá oažžut
eanemustá sulaid ovtta jagi.
Jos máhcat dan maŋŋá bargui, muhto de geavvá nie,
ahte buohcuvuohta ainge hehtte bargama,
Kela sáhttá máksit buohcuvuodabeaiveruđa 50 beaivvi lasi.

Lassebeivviid eaktun lea goittotge dat,
ahte leat leamaš barggus ovtatmano 30 beaivvi
nappo sulaid mánotbaji dan maŋŋá,
go buohcuvuodabeaiveruđa eanemusáigi lea nohkan.

Jos bargonávccahisvuohta joatkašuvvá
itge sáhte máhccat bargui,
Kela dahje bargoealáhatlágádusa áššedovdit dutket,
sáhtátgo báhcit bargonávccahisvuodaealáhakkii.

Oassebuohcuvuodabeaiveruhta

Jos máhcat buohcuvuoda maŋŋá bargui oasseáigásaččat, sáhtát oažžut Kelas oassebuohcuvuodabeaiveruđa. Dat lea sullii bealli buohcuvuodabeaiveruđas.

Sáhtát oažžut oassebuohcuvuodabeaiveruđa, jos leat bargan ovdal buohccáma ollesáigásaččat elege du bargoáigi lea leamaš unnimustá 30 diimmu vahkus. Go álggahat bargguid oasseáigásaččat, du bargoáigi ferte leat sullii bealli ovddit bargoáiggis.

Oassebuohcuvuodabeaiveruhta máksojuvvo eanemustá 150 árgabeavvi dahje sullii 6 mánotbaji.

Sáhtát oažžut oassebuohcuvuodabeaiveruđa maŋálgiehtii eanemustá 2 mánotbaji áigodagas.

Buohcuvuodabeaiveruhta, veajuiduhttin dahje ealáhat?

Jos buohcuvuohta bistá guhká, sáhtát oažžut doarjaga veajuiduhttimii.

Go leat ožžon buohcuvuodabeaiveruđa 60, 150 ja 230 árgabeavvi, Kela čielggada, sáhtášiigo veajuiduhttimis leat ávki du bargonávccaid buorideamis.

Jos vásihat, ahte dárbbasat veajuiduhttima, ságastala áššis iežat doaktáriin dahje váldde oktavuoda Kelai.

Bargonávccahisvuodaealáhat

Buohcuvuodabeaiveruhta máksojuvvo dábálaččat eanemustá 300 árgabeavve.

Jos bargonávccahisvuohta, mii lea šaddan buohcuvuodas dahje doaibmaváttu geažil, joatkašuvvá, itge sáhte oažžut buohcuvuodabeaiveruđa, sáhtát ohcat bargonávccahisvuodaealáhaga. Dan sáhttá máksit bargoealáhatlágádus, Kela dahje guktot. Kela máksá bargonávccahisvuodaealáhaga, jos it leat leamaš barggus dahje jos bargoealáhatlágádusa ealáhat lea oalle unni.

Dasa, sáhtátgo oažžut bargonávccahisvuodaealáhaga, váikkuha

- mii buohcuvuodaid dahje doaibmaváddu dus lea
- man boaris don leat
- man barggu leat bargan
- makkár skuvlejupmi dus lea.

Jos it sáhte máhccat bargui itge oaččo ealáhaga, almmut iežat bargo- ja ealáhusdoaimmahahkii dahje BE-doaimmahahkii bargguhis bargguohccin. Almmut maŋimustá čuovvovaš beavve buohcuvuodabeaiveruđa nohkama maŋŋá. Ná sáhtát oažžut bargguhisvuodabeaiveruđa dan bottas, go vuorddát mearrádusa bargonávccahisvuodaealáhagas.

Jos leat bargguhisvuodakássa lahttu, oza dietnasii čadnon beaiveruđa iežat bargguhisvuodakássas.

Bargodearvvasvuodadikšun

Bargoaddi galgá ordnet ovddalgihtii buohcuvuodaid eastadeaddji bargodearvvasvuodadivššu buot bargiidasas. Bargi dearvvasvuodadilli ja bargonávccat čuvvojuvvojit earret eará dearvvasvuodadárkkistemiid bokte. Ulbmilin lea bargonávccaid seailuheapmi.

Oaččut dárkilut dieđu bargodearvvasvuodabálvalusaid birra iežat bargoaddis.

Fitnodatdoalli bargodearvvasvuodadikšun

Maidái priváhta fitnodatdoalli sáhtá ordnet alcces bargodearvvasvuodadivššu. Dat lea goittotge eaktodáhtolaš.

Jos fitnodatdoallis leat bálvalusastis bargit, de sus lea geatnegasvuohta ordnet bargodearvvasvuodadivššu bargiidasas. Fitnodatdoalli sáhtá ohcat Kelas buhtadusa bargodearvvasvuodadivššu goluin.



Jos mánná buohccá

Jos du mánná buohccá,
de sáhtát doalvut su dearvvasvuodaguovddáži
dahje priváhta doaktárii.

Kela buhtte oasi priváhta doaktára mávssuin.
Lassin Kela buhtte oasi dálkasiid hattis.
Dearvvasvuodaguovddáža divššuid Kela ii buhtte.

Gaskaboddasaš dikšunfriija

Jos vuollel 10-jahkásaš mánná buohccá
ovdamearkan nurvui ja feberii,
sáhtát vuolgit eret barggus dikšut su.
Dát gohčoduvvo gaskaboddasaš dikšunfriijan.

Dikšunfriija bistá eanemustá 4 bargobeavvi.
Eanaš bargoaddit mákset bálkká
gaskaboddasaš dikšunfriija áigge.
Kela ii mávsse doarjaga dán áiggis.

Sierradikšunruhta

Jos divššut buohcci dahje doaibmaváttot vuollel 16-jahkásaš máná,
sáhtát ohcat Kelas sierradikšunruða.

Sáhtát oažžut sierradikšunruða, jos gárttat leat eret barggus

- máná buohcceviessodivššu dihte
- máná buohcceviessodikšui gullevaš ruoktodivššu dihte
- máná veajuiduhttima dihte
- máná skuvla- dahje beavedikšoisikkadeami dihte.

Sierradikšunruhta lea seamma stuuris go buohcuvuodabeaiveruhta.
Dan oažžumii váikkuhit máná ahki, buohcuvuohta,
dikšunbáiki ja divššu muddu.

Ohcamuššii galgá laktit
doaktára D-cealkámuša,
mas ákkastallo,
manin dárbbášat sierradikšunruða.

Oza sierradikšunruða
4 mánotbaji siste dikšuma álgimis.



Doaibmaváttolašvuodadoarjagat

Jos dus dahje du mánás lea
doaibmaváddu dahje buohcuvuohta,
mii bistá guhká ja dahká beaivválaš eallima váttisin,
sáhtát oažžut doaibmaváttolašvuodadoarjaga.

Doaibmaváttolašvuodadoarjagiin leat golbma dási.
Kela meroštallá vuoigatvuođa doarjagii dan vuodul,
man olu doaibmaváddu dahje buohcuvuohta váikkuha beaivválaš
eallimii.

Doaibmaváttolašvuodadoarjja mánnái

Vuolled 16-jahkásaš sáhtát oažžut doaibmaváttolašvuodadoarjaga, jos

- sus lea doaktára gávnahan doaibmaváddu dahje guhkesáigásaš buohcuvuohta
- su dikšun lea eanet gáibideaddji ja losit go dakkár máná dikšun, geas ii leat doaibmaváddu dahje buohcuvuohta
- doaibmaváddu dahje buohcuvuohta bistá unnimustá 6 mánotbaji.

Vuodđodoarjja lea sulaid 109 euro mánotbajis.
Bajiduvvon doarjja lea sulaid 254 euro mánotbajis.
Bajimus doarjja lea sulaid 493 euro mánotbajis.

Doaibmaváttolašvuodadoarjja rávesolbmui

Badjel 16-jahkásažžan sáhtát oažžut doaibmaváttolašvuodadoarjaga, jos

- dus lea doaktára gávnahan doaibmaváddu dahje guhkesáigásaš buohcuvuohta
- du návccat birget árgabeaivvis ja fuolahit alddát leat hedjonan unnimustá jagi áigge
- doaibmaváddu dahje buohcuvuohta hehte du eallima, ja dárbbasat dan dihte veahki dahje bagadallama.

Vuodđodoarjja lea sulaid 109 euro mánotbajis.
Bajiduvvon doarjja lea sulaid 254 euro mánotbajis.
Bajimus doarjja lea sulaid 493 euro mánotbajis.

Ealáhatoažžu dikšundoarjja

Ealáhatoažžun sáhtát oažžut dikšundoarjaga, jos

- leat ealáhagas ollesáigásaččat
- dus lea doaktára gávnahan doaibmaváddu dahje guhkesáigásaš buohcuvuohta
- du návccat birget árgabeaivvis ja fuolahit alddát leat hedjonan unnimustá jagi áigge
- dárbbasat doaibmaváttu dahje buohcuvuođa dihte veahki dahje bagadeami.

Vuodđodoarjja lea sulaid 83 euro mánotbajis.
Bajiduvvon doarjja lea sulaid 182 euro mánotbajis.
Bajimus doarjja lea sulaid 384 euro mánotbajis.
Veteránalassi lea sulaid 126 euro mánotbajis.

Lassidiehtu doaibmaváttolašvuodadoarjagiin čujuhusas (suomagillii):

www.kela.fi/vammaistuet

Doaibmaváttot olbmuid dulkonbálvalus

Jos dárbbasat dulkoma gullanváttu,
gullan-oaidninváttu dahje hállanváttu dihte,
sáhtát oažžut Kelas dulkkaid árgga dilálašvuodaide.

Galggat vuos ohcat vuoigatvuođa dulkonbálvalussii.
Dan manŋá sáhtát ieš dingot Kelas dulkka ovdamearkan
studeremii, bargoeallimii dahje astoáigge doaimmaide.

Lassidiehtu dulkonbálvalusas čujuhusas (suomagillii):

www.kela.fi/vammaisten-tulkkauspalvelu

Ohcan ja máksin

Oza doarjaga nehtas:

www.kela.fi/neahtas

Dárkkis ohcamušas,
mat čuvvosat das galget leat mielde.
Maiddái čuvvosiid sáhtá sáddet nehta bokte.

Sáhtát ohcat doarjaga maiddái skoviin,
man oaččut Kela doaimmahagain ja neahtasiidduin:

www.kela.fi/skovit

Jos ozat doarjaga skoviin,
sádde dan Kelai poastta bokte.

Kela poastačujuhus lea

Kela

PL 10

00056 KELA

Sáhtát dikšut eanáš Kela-áššiid maiddái telefonna.

Go Kela lea gieđahallan du ohcamuša,
oaččut ruoktot mearrádusa.
Mearrádusas mitaluvvojit doarjaga mearri,
ákkastallamat ja máksinbeaivi.
Oaččut mearrádusa maiddái dalle,
jos dutnje ii leat mieđihuvvon doarjja.

Kela máksá doarjagiid du bânkokontui.

Almmut, jos du dilli nuppástuvvá

Jos du eallin nuppástuvvá,
dat sáhtá váikkuhit Kela doarjagiidda, maid don oaččut.
Nuppástus sáhtá guoskat ovdamearka dihte ássama,
boađuid, bargama dahje bearraša.

Muitte almmuhit nuppástusain Kelai.
Sáhtát dahkat dan nehtas, telefonna dahje
doaimmahagas.

Dus lea ovddasvástádus iežat bealis sihkkarastit,
ahte Kelas leat rivttes dieđut.
Dalle dutnje máksojuvvon doarjaga mearri lea riehta.

Jos mearrádusas lea feaila

Jos leat dan oaivilis, ahte Kela mearrádusas lea feaila,
sáhtát ohcat nuppástusa mearrádussii.

Oaččut mearrádusa mielde rávvagiid das,
mo nuppástus ohccojuvvo.

Jos dus leat jearaldagat,
váldde vuos oktavuoda Kelai.



Nehtas sáhtát

- ohcat doarjagiid
- sáddet čuvvosiid
- dárkkistit iežat ohcamuša dili
- sáddet dieđuid
- almmuhit nuppástusain
- heaittihit doarjaga.

Kela davvisámegillii

Davvisámegielat neahttasiiddut:
www.kela.fi/davvisamegiella

Davvisámegielat brošyrat:

Almmolaš ássandoarjja

Áigái boahtindoarjja

Bargguhisvuolta

■ Buohcan ja doaimaváttolašvuodadoarjagat

Ealáhagat ja eará ealáhatoažžu doarjagat

Mánnábearrašat

Olgoriikkain Supmii dahje Suomas olgориikkaide

Studeanttat ja vearjogeatnegasat

Veajuiduhttin

Davvisámegielat gihppagiid sáhttá čálihit
Kela neahttasiidduin:
www.kela.fi/brosyrat